

"মিষ্টি বাচ্চারা - শত্রু মায়া তোমাদের সামনে উপস্থিত, তাই নিজের খুবই সুরক্ষা করতে হবে, চলতে - ফিরতে যদি মায়ায় আটকে গেছো তাহলে নিজের সৌভাগ্যে গণ্ডি টেনে দেবে"

প্রশ্নঃ - তোমাদের মতো রাজযোগী বাচ্চাদের মুখ্য কর্তব্য কি ?

উত্তরঃ - পড়া আর পড়ানো, এই হলো তোমাদের মুখ্য কর্তব্য । তোমরা ঈশ্বরীয় মতে আছো । তোমাদের কখনোই জঙ্গলে যেতে হবে না । ঘর - গৃহস্থে থেকে, শান্তিতে বসে তোমাদের বাবাকে স্মরণ করতে হবে । অল্ক (আল্লাহ) আর বে (বাদশাহী), এই দুই শব্দেই তোমাদের সমস্ত পড়া এসে যায় ।

ওম্ শান্তি । বাবাও ব্রহ্মার দ্বারা বলতে পারেন যে - বাচ্চারা, সুপ্রভাত কিন্তু বাচ্চাদেরও তো উত্তর দিতে হবে । এখানে হলো বাবা আর বাচ্চাদের সম্পর্ক । নতুন যারা আছে, তারা যতক্ষণ না পাকা হয়, ততক্ষণ কিছু না কিছু জিজ্ঞেস করতেই থাকবে । এ তো হলো পড়া, ভগবান উবাচঃও লেখা আছে । ভগবান হলেন নিরাকার । এই বাবা কাউকে খুব ভালোভাবে কাউকে বুঝিয়ে পাকাপোক্ত করেন, কারণ ওইদিকে হলো মায়ার জোর । এখানে তো সেই মায়া নেই । বাবা তো বুঝতে পারেন, যে পূর্ব কল্পে এই অবিনাশী উত্তরাধিকার নিয়েছে, সে নিজে থেকেই এসে যাবে । এমন নয় যে, অমুকে যেন চলে না যায়, তাকে ধরবো । যদি চলে যেতে চায় তাহলে চলে যাক । এখানে তো জীবন্মুত হয়ে থাকার কথা । বাবা তোমাদের দত্তক নেন । এই দত্তক নেওয়াও হয় অবিনাশী আশীর্বাদ দেওয়ার জন্য । বাচ্চারা মা - বাবার কাছে আসেই উত্তরাধিকারের লোভে । বিত্তবানের সন্তান গরীবরা কি কখনো দত্তক নেবে ? এতো ধন দৌলত আদি ছেড়ে কিভাবে যাবে ? বিত্তবানরাই দত্তক নেয় । তোমরা এখন জানো যে, বাবা আমাদের স্বর্গের বাদশাহী দেন । কেন আমরা তাঁর হবো না । প্রতিটা জিনিসেই তো লোভ থাকে । তোমরা যতো বেশী পড়বে, তোমাদের লোভ তত বেশী হবে । তোমরাও জানো যে, বাবা আমাদের দত্তক নিয়েছেন অসীম জগতের অবিনাশী উত্তরাধিকার দেওয়ার জন্য । বাবাও বলেন, আমি তোমাদের আবারও পাঁচ হাজার বছর পূর্বের মতো দত্তক নিই । তোমরাও বলো যে, বাবা আমি তোমার । আমরা পাঁচ হাজার বছর পূর্বেও তোমারই হয়েছিলাম । তোমরা প্রত্যক্ষভাবে কতজন ব্রহ্মাকুমার - কুমারী । প্রজাপিতাও তো কতো নামীদামি । যতক্ষণ না তোমরা শূদ্র থেকে ব্রাহ্মণ হচ্ছে ততক্ষণ দেবতা হতে পারবে না । বাচ্চারা, তোমাদের বুদ্ধিতে এখন এই চক্র ঘুরতে থাকে -- আমরা শূদ্র ছিলাম, এখন ব্রাহ্মণ হয়েছি, এরপরে আমাদের দেবতা হতে হবে আমরাই সত্যযুগে রাজত্ব করবো । তাই অবশ্যই এই পুরানো দুনিয়ার বিনাশ হতে হবে । সম্পূর্ণ নিশ্চয়তা না এলে তখন অনেকেই চলে যায় । কেই কাঁচা থাকলে তাদের অবনতি হয়, এও এই নাটকেই লিপিবদ্ধ আছে । শত্রু মায়া তোমাদের সামনে দাঁড়িয়ে আছে, সেই তোমাদের আকর্ষণ করে নেয় । বাবা প্রতি মুহূর্তে তোমাদের এই কথা পাকা করান, তোমরা মায়াতে আটকে যেও না, না হলে নিজের ভাগ্যে গণ্ডি টেনে দেবে । বাবাই এ কথা জিজ্ঞেস করতে পারেন, তোমরা আগে কখন মিলিত হয়েছো ? আর কারোরই এ কথা জিজ্ঞেস করার মতো বুদ্ধি আসবে না । বাবা বলেন, আমাকেও আবার গীতা শোনাতে আসতে হয় । আমাকে এসে তোমাদের রাবণের জেল থেকে উদ্ধার করতে হয় । অসীম জগতের পিতা অসীম জগতের কথা বুঝিয়ে বলেন । এখন হলো রাবণের রাজ্য, এই পতিত রাজ্য অর্ধেক কল্প ধরে শুরু হয়েছে । রাবণকে দশ মাথা দেখানো হয়, বিষ্ণুর চার ভুজা দেখানো হয় । এমন কোনো মানুষই হয় না । এ তো প্রবৃত্তি মার্গকে দেখানো হয় । এই হলো এইম অবজেক্ট - বিষ্ণুর দ্বারা পালনা । বিষ্ণুপূরীকে কৃষ্ণপূরীও বলা হয় । কৃষ্ণের তো দুই হাতই দেখানো হবে, তাই না । মানুষ তো কিছুই বুঝতে পারে না । বাবা তোমাদের প্রতিটি কথা বুঝিয়ে বলেন । ও সব হলো ভক্তিমার্গ । এখন তোমাদের এই জ্ঞান হয়েছে, তোমাদের প্রকৃত লক্ষ্যই হলো নর থেকে নারায়ণ হওয়া । এই গীতা পাঠশালা হলো জীবনমুক্তি প্রাপ্ত করার জন্য । ব্রাহ্মণ তো অবশ্যই প্রয়োজন । এ হলো রুদ্র জ্ঞান যন্তু । শিবকে রুদ্রও বলা হয় । বাবা এখন জিজ্ঞেস করছেন, এই জ্ঞান যন্তু কৃষ্ণের, নাকি শিবের ? শিবকে পরমাত্মা বলা হয়, আর শঙ্করকে বলা হয় দেবতা । ওরা আবার শিব আর শঙ্করকে এক করে দিয়েছে । বাবা এখন বলছেন, আমি এনার মধ্যে প্রবেশ করেছি । বাচ্চারা, তোমরা বলো বাপদাদা । ওরা বলে শিবশঙ্কর । জ্ঞানের সাগর তো একজনই ।

এখন তোমরা জানো যে, ব্রহ্মাই জ্ঞানের দ্বারা বিষ্ণু হন । বরাবর চিত্রও বানানো হয় । বিষ্ণুর নাভি থেকে ব্রহ্মা নির্গত হয়েছে । এর অর্থ কেউই বুঝতে পারে না । ব্রহ্মার হাতে শাস্ত্র দেখানো হয়েছে । এখন এই শাস্ত্রের সার বাবা বসে শোনান, নাকি ব্রহ্মা ? ইনিও তো মাস্টার জ্ঞানের সাগর হন । বাকি এতো চিত্র বানানো হয়েছে, তা সব যথার্থ নয় । সে সব হলো

ভক্তি মার্গের। মানুষ কখনোই আট বা দশ হাতের হতে পারে না। এ তো কেবল প্রবৃত্তি মার্গ দেখানো হয়েছে। রাবণের অর্থও বলা হয়েছে --- অর্ধেক কল্প হলো রাবণ রাজ্য, অর্থাৎ রাত। অর্ধেক কল্প হলো রাম রাজ্য অর্থাৎ দিন। বাবা প্রতিটি কথাই বুঝিয়ে বলেন। তোমরা সকলেই হলে এক বাবার সন্তান। বাবা ব্রহ্মার দ্বারা বিষ্ণুপুত্রী স্বাপনা করেন, আর তোমাদের রাজযোগ শেখান। তিনি অবশ্যই এই সঙ্গম যুগেই তোমাদের রাজযোগ শেখাবেন। দ্বাপরে গীতা শুনিয়েছিলেন, এ তো ভুল তথ্য হয়ে যায়। বাবা সত্য কথা বলেন। অনেকেরই ব্রহ্মার, কৃষ্ণের সাক্ষাৎকার হয়। ব্রহ্মাকে সাদা পোশাকে দেখে। শিববাবা তো হলেন বিন্দু। বিন্দুর সাক্ষাৎকার হলে কিছুই বুঝতে পারে না। তোমরা বলো যে, আমরা আত্মা, এখন আত্মাকে কে দেখেছে, কেউই না। সে তো হলো বিন্দু। তোমরা তো বুঝতে পারছো। যে যেই ভাবনায় যাঁর পূজা করে, তার তাঁরই সাক্ষাৎকার হবে। অন্য কোনো রূপ দেখলে দ্বিধাগ্রস্ত হয়ে যায়। হনুমানের পূজা করলে তাঁকেই দেখতে পাবে। গণেশের পূজারী গণেশকেই দেখতে পাবে। বাবা বলেন যে, আমি তোমাদের এতো ধনবান বানিয়েছি, তোমাদের হীরে - জহরতের মহল ছিলো, তোমাদের ধন ছিলো অগুণ্টি, তোমরা এখন সেই সব কোথায় হারিয়ে ফেলেছো? এখন তোমরা কাঙ্গাল হয়ে গেছো, তোমরা এখন ভিক্ষা চাইছো। বাবা তো এ কথা বলতেই পারেন, তাই না। বাচ্চারা, এখন তোমরা বুঝতে পারো, বাবা এসেছেন, আমরা আবার এই বিশ্বের মালিক হচ্ছি। এই অনাদি ড্রামা বানানোই আছে। প্রত্যেকেই এই ড্রামাতে নিজের অভিনয় করে যাচ্ছে। কেউ যদি এক শরীর ত্যাগ করে অন্য শরীর ধারণ করে, এতে কাল্পার কিসের দরকার। সত্যযুগে কেউই কাল্পাকটি করে না। তোমরা এখন মোহজিৎ হচ্ছো। লক্ষ্মী - নারায়ণ ইত্যাদিরাই হলেন মোহজিৎ রাজা। ওখানে মোহ থাকে না। বাবা অনেক প্রকারের কথা বোঝাতে থাকেন। বাবা হলেন নিরাকার। মানুষ তো তাঁকে নাম - রূপ থেকে পৃথক বলে দেয় কিন্তু নাম - রূপ থেকে পৃথক কোনো জিনিস হতেই পারে না। হে ভগবান, ও গড ফাদার -- এমন বলে না। তো নাম - রূপ তো আছেই। লিঙ্গকে শিব পরমাত্মা, শিববাবা তো বলেই। বাবা তো বরাবরই আছেন। বাবার অবশ্যই বাচ্চারাও থাকবেন। নিরাকারকে নিরাকার আত্মাই বাবা বলে ডাকে। মন্দিরে গেলে তখন তাঁকে শিববাবা বলবে, আবার ঘরে ফিরে এসে বাবাকেও বলে বাবা। অর্থ তো ওরা কিছুই বোঝে না, আমরা তাঁকে শিববাবা কেন বলি। বাবা বড়র থেকেও বড় পড়া দুটি অক্ষরেই পড়ান -- অক্ষ (আত্মা) আর বাদশাহী। অক্ষকে স্মরণ করলেই বে অর্থাৎ বাদশাহী তোমাদের। এ হলো অনেক বড় পরীক্ষা। মানুষ যখন বড় পরীক্ষায় পাস করে তখন প্রথম দিকের পড়া স্মরণেই থাকে না। পড়তে পড়তে অবশেষে সার বুদ্ধিতে এসে যায়। এও ঠিক এমনই। তোমরা এখানে পড়তে এসেছো। অন্তিম সময়ে বাবা যখন বলবেন - মনমনাভব, তখন দেহের ভাব সম্পূর্ণ ভেঙ্গে যাবে। এই মনমনাভবের অভ্যাস হয়ে গেলে পরের দিকে বাবা আর তাঁর অবিনাশী আশীর্বাদ স্মরণে থাকবে। মূখ্য হলো এটাই, এ কতো সহজ। ওই পড়াতেও তো এখন না জানি কতোকিছু পড়তে হয়। রাজা যেমন হয়, নিয়মও তেমনই চালায়। পূর্বে মণ, সের, পাও - এই হিসেব চলতো। এখন তো কিলো আদি কতোকিছুই বেরিয়েছে। পৃথক - পৃথক প্রান্তে পৃথক - পৃথক হয়ে গেছে। দিল্লীতে কোনো জিনিস এক টাকা সের, বোম্বেতে তা পাওয়া যাবে দু টাকা সেরে, কেননা প্রান্ত আলাদা। প্রত্যেকেই মনে করে আমাদের জায়গার অভাব রাখবো না। এতে কতো ঝগড়া হয়, কতো দ্বিধা তৈরী হয়।

ভারত কতো সমর্থ ছিলো, তারপর ৮৪ চক্র সম্পূর্ণ করতে করতে অসমর্থ হয়ে গেছে। বলা হয় --- অমূল্য যে জীবন মিলেছিল, কিন্তু তাকে কড়ি তুল্য বানিয়ে হারিয়ে ফেলেছে। বাবা বলেন - তোমরা কড়ির পিছনে কেন ছুটতে থাকো। এখন তো তোমরা বাবার থেকে অবিনাশী উত্তরাধিকারের আশীর্বাদ নাও, তোমরা পবিত্র হও। মানুষ ডাকতেও থাকে - হে পতিত পাবন, এসো, আমাদের পবিত্র বানাও। এতেই সিদ্ধ হয়, তোমরা পবিত্র ছিলে, এখন আর তা নেই। এখন তো হলো কলিমুগ। বাবা বলেন যে, আমি পবিত্র দুনিয়া বানাবো, তখন পতিত দুনিয়ার অবশ্যই বিনাশ হবে, তাই এই হলো মহাভারতের লড়াই যা এই রুদ্র জ্ঞান যন্ত থেকে প্রস্ফলিত হয়েছে। ড্রামাতে তো এই বিনাশও লিপিবদ্ধ আছে। প্রথমদিকে তো বাবার সাক্ষাৎকার হয়েছিলো। তিনি দেখেছিলেন যে, এতো বড় রাজস্ব পাওয়া যায়, তাই খুব খুশী ছিলেন, তখন বিনাশের সাক্ষাৎকারও করিয়েছিলেন। মনমনাভব, মধ্যাজী ভব। এ হলো গীতার অক্ষর। গীতার কোনো কোনো অক্ষর ঠিক। বাবাও বলেন, আমি তোমাদের এই জ্ঞান শোনাই, এ আবার প্রায় লোপ হয়ে যায়। কেউই জানে না যে, যখন লক্ষ্মী - নারায়ণের রাজ্য ছিলো, তখন অন্য কোনো ধর্ম ছিলো না। সেইসময় জনসংখ্যা কতো কম ছিলো, এখন কতো বেশী। তাই এই পরিবর্তনের প্রয়োজন। বিনাশ তো অবশ্যই প্রয়োজন। মহাভারতের যুদ্ধও তো আছে। তাহলে অবশ্যই ভগবানও আছেন। মানুষ যখন শিব জয়ন্তী পালন করে তাহলে শিববাবা এসে কি করেছিলেন? এও তারা জানে না। বাবা এখন বোঝান, গীতার থেকে কৃষ্ণের আত্মা রাজস্ব পেয়েছিলো। গীতাকে মাতা - পিতা বলা হবে, যার থেকে তোমরা আবার দেবতা হও, তাই চিত্রে দেখানো হয় -- কৃষ্ণ গীতা শোনান নি। কৃষ্ণ গীতার জ্ঞানের দ্বারা রাজযোগ শিখে এমন হয়েছিলেন, কাল আবার তিনিই কৃষ্ণ হবেন। ওরা আবার শিববাবার পরিবর্তে কৃষ্ণের নাম দিয়ে দিয়েছে। তাই বাবা বোঝান, এ কথা নিজের অন্তরে পাক্ষা নিশ্চিত করে নাও, কেউ যেন উল্টোপাল্টা কথা শুনিয়ে তোমাদের নামিয়ে না দেয়।

মানুষ অনেক কথা জিজ্ঞাস করে --বিকার ছাড়া সৃষ্টি কিভাবে চলবে ? এ কিভাবে হবে ? আরে, তোমরা তো নিজেরাই বলো -- সে হলো নির্বিকারী দুনিয়া । সম্পূর্ণ নির্বিকারী বলো তোমরা, তাহলে বিকারের কথা কিভাবে আসতে পারে ? তোমরা এখন জানো যে, অসীম জগতের পিতার কাছ থেকে অসীম জগতের বাদশাহী পাওয়া যায়, তাহলে এমন বাবাকে কেন স্মরণ করবে না ? এ হলো পতিত দুনিয়া । কুস্ত্র মেলায় কতো লাখ মানুষ যায় । এখন বলে যে ওখানে এক গুপ্ত নদী আছে । এখন কি নদী গুপ্ত হতে পারে ? এখানেও গুপ্ত মুখ বানানো হয়েছে । বলা হয়, গঙ্গা এখানে আসে, আরে, গঙ্গা নিজের রাস্তা করে সমুদ্রে যাবে, নাকি তোমাদের কাছে এই পাহাড়ে আসবে । ভক্তিমার্গে এমন কতো ধাক্কা আছে । গুণান, ভক্তি তারপর বৈরাগ্য । এক হলো লৌকিক জগতের বৈরাগ্য, দ্বিতীয় হলো অসীম জগতের বৈরাগ্য । সন্ন্যাসীরা বাড়ীঘর ছেড়ে জঙ্গলে থাকে, এখানে তো সেসব কথা নেই । তোমরা বুদ্ধির দ্বারা সম্পূর্ণ দুনিয়ার সন্ন্যাস করো । তোমাদের মতো রাজযোগী বাচ্চাদের মুখ্য কর্তব্য হলো পড়া আর পড়ানো । এখন এই রাজযোগ জঙ্গলে তো শেখানো হয়ই না । এ হলো স্কুল । এর শাখাপ্রশাখা নির্গত হতেই থাকে । তোমরা বাচ্চারা এখন রাজযোগ শিখছো । শিববাবার থেকে পড়েছে এমন ব্রাহ্মণ - ব্রহ্মাণীরা রাজযোগ শেখান । এক শিববাবা বসে সবাইকে একা শেখাতেই পারেন না । তাহলে এ হলো পাণ্ডব গভর্নমেন্ট । তোমরা ঈশ্বরীয় মতে আছো । এখানে তো তোমরা কতো শান্তিতে বসে আছো, বাইরে তো অনেক হাস্যামা । বাবা বলেন যে, তোমরা যদি পাঁচ বিকারের দান করে দিতে পারো, তাহলে তোমাদের গ্রহণ কেটে যাবে । তোমরা আমার হও, তাহলে আমি তোমাদের সব কামনা পূরণ করে দেবো । বাচ্চারা, তোমরা জানো যে, আমরা এখন সুখধামে যাচ্ছি, এই দুঃখধামে আগুন লেগে যাবে । বাচ্চারা বিনাশের সাক্ষাৎকারও করেছে । এখন সময় অনেক কম, তাই তোমরা যদি স্মরণের যাত্রায় লেগে যাও তাহলে তোমাদের বিকর্ম বিনাশ হবে আর উঁচু পদও পাবে । আচ্ছা ।

মিষ্টি মিষ্টি হারানিধি বাচ্চাদের প্রতি মাতা - পিতা, বাপদাদার স্মরণের স্নেহ-সুমন আর সুপ্রভাত । আত্মাদের পিতা তাঁর আত্মা রূপী বাচ্চাদেরকে জানাচ্ছেন নমস্কার ।

ধারণার জন্যে মুখ্য সার:-

১) বাবার অবিনাশী উত্তরাধিকার নেওয়ার জন্য জীবন্মুত হতে হবে । তোমাদের বাবার দওক সন্তান হতে হবে । কখনোই নিজের উঁচু ভাগ্যে গণ্ডি লাগাবে না ।

২) কোনো উল্টোপাল্টা কথা শুনে যেন সংশয় উৎপন্ন না হয় । নিশ্চয়তায় যেন দোলা না লাগে । এই দুঃখধামে আগুন লাগবে, তাই এর থেকে নিজের বুদ্ধিযোগ দূর করে নিতে হবে ।

বরদান:- সমস্যাকে সমাধান রূপে পরিবর্তিত করে বিশ্ব কল্যাণকারী ভব*
আমি বিশ্ব কল্যাণী আত্মা ---এখন এই শ্রেষ্ঠ ভাবনা, শ্রেষ্ঠ কামনার সংস্কার হাজির করো । এই শ্রেষ্ঠ সংস্কারের সামনে জাগতিক সব সংস্কার শীঘ্রই সমাপ্ত হয়ে যাবে । সমস্যা সমাধানের রূপে পরিবর্তন হয়ে যাবে । এখন যুদ্ধে সময় নষ্ট করো না, বিজয়ীভাবের সংস্কার হাজির করো এখন সবকিছুই সেবাতে লাগিয়ে দাও তাহলে পরিশ্রম থেকে মুক্ত হয়ে যাবে । সমস্যায় যাওয়ার পূর্বে দান দাও, বরদান দাও, তাহলে নিজের গ্রহণ শীঘ্রই সমাপ্ত হয়ে যাবে ।

স্লোগান:- কারোর দুর্বলতার বর্ণনা করার পরিবর্তে গুণ স্বরূপ হও, গুণের বর্ণনা করো ।*